



Concello de Vigo

D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión extraordinaria e urxente do 16 de outubro de 2020**, adoptou o seguinte acordo:

2.- PROPOSTA DE RESOLUCIÓN DA CONVOCATORIA DE “AXUDAS MUNICIPAIS DE LIBROS, MATERIAL ESCOLAR E COMEDOR PARA ALUMNOS/AS DE CENTROS DOCENTES PÚBLICOS E PRIVADOS CONCERTADOS DE EDUCACIÓN INFANTIL (2^a ETAPA), EDUCACIÓN PRIMARIA E SECUNDARIA, DO CONCELLO DE VIGO – CURSO 2020-2021”. EXPTE. 197177/301.

Visto o informe de fiscalización do 16/10/2020, dáse conta do informe-proposta de data 15/10/2020, asinado pola xefa do Servizo de Benestar Social, o xefe de Área, o asesor xurídico adxunto á Xefatura, a concelleira-delegada de Política de Benestar Social e o concelleiro-delegado de Orzamentos e Facenda, que di o seguinte:

I. ANTECEDENTES

I.1. Tramitouse polo Servizo de Benestar Social o expediente de bases e convocatoria para a concesión, en réxime de concorrencia (avaliación individualizada), das axudas municipais de libros, material escolar e comedor para alumnas/os de centros docentes públicos e privados concertados de educación infantil (2^a etapa), educación primaria e secundaria do Concello de Vigo (Curso 2020-2021). Foron aprobadas na sesión ordinaria da Xunta de Goberno Local do 21.05.2020 (BOP nº 102, do 29.05.2020).

I.2. Na parte dispositiva dese acordo recóllese:

A) A aprobación das Bases e a convocatoria desas axudas municipais.

B) O compromiso de gasto por importe de 110.000€ para axudas de libros ós/ás alumnos/as do nivel de educación infantil (2^a etapa) con cargo á aplicación orzamentaria nº 2310.481.00.00, que serán aboadas mediante libramento a xustificar que se ingresará na conta habilitada do Servizo de Benestar social (IBAN ES 90 2080-5000-67-3110242616).

C) O compromiso de gasto de 1.095.000€ con cargo á aplicación orzamentaria nº 2310.481.00.00 para axudas municipais escolares de comedor (Curso 2020-2021). Desta cantidade, 366.131,20€ imputaránse ó exercicio de 2020 e o resto, 728.868,80€, ó de 2021 (supeditada á dispoñibilidade orzamentaria nese exercicio). As dúas cantidades serán pagadas tamén mediante libramento a xustificar que se ingresará naquela conta habilitada.



Copia do documento - Concello de Vigo	Data impresión: 12/05/2024 11:07	Páxina 1 de 6
SUBVENCIONS	CSV: A2A84A-C4D5B5-8243B3-S2TMAR-NMX1FA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Esos créditos iniciais poderán incrementarse cos eventuais importes sobrantes do programa de axudas do curso anterior, sen necesidade dunha nova convocatoria (Art. 58 RXS). A contía máxima a incrementar sería de 120.000€.

I.3.Conforme co disposto nas Bases, realizouse a valoración individualizada de todas as solicitudes presentadas e a “Comisión de Valoración” designada para o efecto (Base 11ª) redactou o correspondente informe no que se concreta o resultado da avaliación (Acta do 29.09.2020). Desa valoración resulta que:

A) 1.181 alumnas/os solicitantes das axudas de libros e material escolar reúnen os requisitos necesarios para obter a condición de beneficiarias/os da subvención segundo o establecido na Lei 9/2007, de subvencións de Galicia (LSG) e cumpren os requisitos estipulados na Base 6ª da convocatoria, existindo orzamento para a súa concesión.

O custo total da subvención de libros ascende a 100.385,00 € (= 1.181 x 85€). Existe crédito para facer fronte a este gasto con cargo á aplicación orzamentaria nº 2310.481.00.00 - RC 202000030038 (110.000,00€), aboándose mediante libramento a xustificar, que se ingresará na precitada conta habilitada do Servizo de Benestar Social.

B) 3.030 alumnas/os reúnen os requisitos necesarios para obter a condición de beneficiarias/os das axudas municipais de comedor, de acordo coa LSG e a Base 6ª da convocatoria, existindo orzamento para a súa concesión.

Indicar que o primeiro pagamento (setembro-décembro) das axudas municipais de comedor, ata unha porcentaxe máxima do 40% do importe, correspondente á resolución de cada centro educativo aprobada pola XGL, pagaríase de xeito anticipado antes da finalización do cuadrimestre (Vid. Apdo. I.5 deste informe).

O custo do total do comedor para o Curso 2020-2021 das/os 3.030 alumnas/os que cumpren os requisitos ascende a 1.169.580€. Polo tanto, o primeiro pagamento (setembro-décembro 2020) equivalente ó 40% do total a adxudicar ascende a 467.832,00€.

O gasto do exercicio de 2020 (467.832,00€) aboarase con cargo as cantidades pendentes de reintegro do curso 2019-2020 que terán a condición de aboamentos a conta (206.080,02€) e 261.751,98€ con cargo á aplicación orzamentaria nº 2310.481.00.00 - RC 202000030039 (366.131,20€).

Existe crédito para facer fronte ó gasto de 701.748,00€ para axudas de comedor 2021 (xaneiro-xuño) con cargo á aplicación orzamentaria nº 2310.481.00.00, existindo contraído un RCFUT 202000030066 (728.868,80€).

I.4. Da información que obra en poder deste Servizo despréndese que todas/os beneficiarias/os destas axudas cumpren todos os requisitos necesarios para acceder ás subvencións, segundo a Base 6ª da convocatoria.

I.5. Incidencia da pandemia da COVID-19 na xestión deste programa de axudas:

I.5.1. De acordo co disposto na Base Décimo terceira deste programa de axudas: *«as axudas concédense ás familias e pagaranse ós centros, que actuarán como entidades colaboradoras nos*



Copia do documento - Concello de Vigo	Data impresión: 12/05/2024 11:07	Páxina 2 de 6
SUBVENCIONS	CSV: A2A84A-C4D5B5-8243B3-S2TMAR-NMX1FA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

termos previstos na L.38/2003, do 17 de novembro, xeral de subvencións e na L.9/2007, do 13 de xuño, de subvencións de Galicia. Os centros asumen o compromiso de xestionar a aplicación dos fondos de acordo coa súa finalidade, responsabilizándose de comunicar, coa periodicidade que se estableza, as baixas e os traslados dos/as alumnos/as beneficiarios/as ó Departamento de Benestar Social. O pagamento das axudas de comedor realizarase mediante transferencia desde a conta habilitada do Departamento de Benestar Social á conta corrente que indique cada un dos centros educativos cos que se conveña a colaboración para a xestión destas axudas».

Lémbrese que o Concello de Vigo aprobou (XGL do 10.05.2018) e ten subscrito con arredor de 70 centros educativos da cidade (XGL 25.10.2018) convenios de colaboración para a xestión destas axudas escolares de comedor, asumindo a condición de entidades colaboradoras para os efectos da LXS e LSG.

I.5.2. En execución do acordo da XGL do 15.11.2019, polo que se resolveu a convocatoria de axudas para o curso escolar 2019-2020, aboaronse ós centros educativos en dous pagamentos as cantidades que figuran relacionadas en documento Anexo. O primeiro deles en data 29.11.2019 por importe de 485.912,32€, correspondente ó primeiro 40% do custo do curso escolar. O segundo o 11.02.2020 por importe de 475.476,16€, correspondente a outro 40% dese custo, unha vez realizados os axustes de baixas do primeiro trimestre do curso.

I.5.3. Como é ben sabido, o 11.03.2020 a Organización Mundial da Saúde (OMS) declarou o brote de SARS-CoV2 como pandemia e o Consello da Xunta de Galicia do 13.03.2020 declaraba a situación de emerxencia sanitaria no territorio da Comunidade Autónoma de Galicia e activaba o Plan territorial de emerxencias de Galicia (Platerga) no seu nivel IG (emerxencia de interese galego), como consecuencia da evolución do COVID-19.

Posteriormente por Real Decreto 463/2020, do 14 de marzo, declárouse o estado de alarma para a xestión da situación de crisis sanitaria ocasionada polo COVID-19, prorrogado sucesivamente ata o 21.06.2020 (RD.476/2020, RD.487/2020, RD.492/2020, RD.514/2020, RD.537/2020 e RD.555/2020).

I.5.4. Así as cousas, desde mediados do mes de marzo de 2020 suspendéronse as actividades docentes e tamén o funcionamento dos comedores escolares, sen que fose materialmente posible executar o gasto do 80% xa aboado naquela altura ós centros educativos de Vigo ó abeiro da convocatoria de bolsas de comedor do curso 2019-2020.

Cómpre suliñar que o importe das axudas de comedor durante ese periodo extraordinario foille aboado directamente polo Concello de Vigo ás familias en situación de vulnerabilidade en concepto de axudas municipais de emerxencia. En concreto, desde o 15.03.2020 foron concedidas un total de 7.830 axudas de 50€ c/u a 1.919 familias beneficiarias por un importe global de 391.500€.

I.5.5. En consecuencia, quedaron sen executar polas entidades colaboradoras as contías que se relacionan en ANEXO e que, en principio, deberían ser obxecto de reintegro por cada unha delas, de acordo co disposto na normativa reguladora das subvencións públicas (Arts. 36 e ss. LXS e 32 e ss. da LSG) e, especificamente, nos convenios de colaboración asinados co Concello de Vigo (Cláusula cuarta: "Obrigas da entidade colaboradora").

I.5.6. Con todo, por razóns de operatividade e eficiencia administrativa e tendo en conta que durante este exercicio orzamentario de 2020 debe realizarse o aboamento correspondente ó 40%



Copia do documento - Concello de Vigo	Data impresión: 12/05/2024 11:07	Páxina 3 de 6
SUBVENCIONS	CSV: A2A84A-C4D5B5-8243B3-S2TMAR-NMX1FA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

do importe da resolución da actual convocatoria de «AXUDAS MUNICIPAIS DE LIBROS, MATERIAL ESCOLAR E COMEDOR PARA ALUMNOS/AS DE CENTROS DOCENTES PÚBLICOS E PRIVADOS CONCERTADOS DE EDUCACIÓN INFANTIL (2ª ETAPA), EDUCACIÓN PRIMARIA E SECUNDARIA, DO CONCELLO DE VIGO – CURSO 2020-2021» (Exp. nº 197177/301; XGL do 21.05.2020; BOP nº 102, do 29.05.2020), enténdese que a solución máis acaída sería considerar aquelas cantidades por reintegrar como aboamentos a conta da resolución de outorgamento de subvencións a comedores escolares para o curso 2020-2021.

Deste xeito, unha vez se produza a precitada resolución pagarase ós centros educativos a diferenza entre o xa aboado (a conta) e a cantidade correspondente ó 40% para cada centro da convocatoria 2020-2021.

A viabilidade desta solución está avalada no informe emitido ó expediente pola Intervención xeral municipal o 18.08.2020 (trámite nº 157), onde se dí que na resolución de reintegro: “...non se indicarán os prazos de pagamento segundo o Regulamento Xeral de Recadación, senón que se vinculará á concesión das axudas do expediente nº 197177-301, que ten por obxecto o outorgamento das axudas de libros, material escolar e comedor do curso 2020-2021, momento no que por razóns de eficacia administrativa, as cantidades a reintegrar se consideraran como parte dos anticipos previstos na Base décimo segunda reguladora das axudas”.

I.5.7. De producirse durante o curso escolar 2020-2021 unha situación semellante á padecida no 2019-2020 por causa da COVID-19, procederíase igualmente ó pagamento das axudas de comedor directamente ás familias en situación de vulnerabilidade e con cargo á mesma aplicación orzamentaria nº 2310.481.00.00 (-“Becas, libros, comedor”).

II. PROPOSTA DE ACORDO

Polo exposto anteriormente, propónse á Xunta de Goberno Local a adopción do seguinte,

«ACORDO

PRIMEIRO: Reintegro de cantidades polas entidades colaboradoras – consideración de aboamentos a conta con cargo á presente resolución:

1.1. De conformidade co disposto na normativa reguladora das subvencións públicas (Arts. 36 e ss. LXS e 32 e ss. da LSG) e, especificamente, nos convenios de colaboración asinados co Concello de Vigo (Cláusula cuarta: “Obrigas da entidade colaboradora”), declarar a procedencia do reintegro polas entidades colaboradoras (centros educativos) das cantidades que quedaron sen executar no curso 2019-2020, a partir de mediados do mes de marzo de 2020 e que se relacionan en ANEXO, por causa da suspensión das actividades docentes e dos comedores escolares derivada da situación excepcional de emerxencia sanitaria provocada pola COVID-19.

1.2. Con todo, por razóns de operatividade e eficiencia administrativa e tendo en conta que durante este exercicio orzamentario de 2020 debe realizarse o aboamento correspondente ó 40% do importe da resolución da actual convocatoria de axudas, consideraranse ditas cantidades por reintegrar como aboamentos a conta da resolución de outorgamento de subvencións a comedores escolares para o curso 2020-2021, pagándose ós centros educativos a diferenza entre os importes que terían que reintegrar e a cantidade correspondente ó 40% para cada centro da actual convocatoria 2020-2021.

SEGUNDO: Axudas municipais de libros e material escolar, curso 2020-2021:



Copia do documento - Concello de Vigo	Data impresión: 12/05/2024 11:07	Páxina 4 de 6
SUBVENCIONS	CSV: A2A84A-C4D5B5-8243B3-S2TMAR-NMX1FA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

2.1. **CONCEDER** as axudas de libros e material escolar ás/ós 1.181 alumnas/os que reúnen os requisitos necesarios (LSG e Base 6ª) para obter a condición de beneficiarias/os da subvención, existindo crédito orzamentario para a súa concesión.

O gasto de 100.385,00€ financiaráse con cargo á aplicación nº 2310.481.00.00 - RC 202000030038 (110.000,00€) e pagarase mediante libramento a xustificar que se ingresará na conta habilitada do Servizo de Benestar Social (ES 90 2080 5000 67 3110242616).

Relaciónanse as persoas beneficiarias no Anexo I, que comeza co expediente núm. 3605711003670 e remata co núm. 3605716004333.

2.2. **DENEGAR** as solicitudes de axudas de libros e material escolar ás/ós 535 alumnas/os por incumprimento dalgún dos requisitos estipulados na Base 6ª da convocatoria.

Relaciónanse no Anexo I, que comeza co expediente núm. 3605704000421 e remata co núm. 3605704004706, sinalando en cada caso o motivo da súa denegación.

TERCEIRO: Axudas municipais escolares de comedor, curso 2020-2021:

3.1. **CONCEDER** axudas municipais de comedor a 3.030 alumnas/os que reúnen os requisitos (LSG e Base 6ª), que se pagarán no 2020 con cargo ás cantidades pendentes de reintegro do curso 2019-2020 que terán a condición de aboamentos a conta (206.080,02€) e 261.751,68€ con cargo á aplicación orzamentaria núm. 2310.481000, RC 202000030039 (366.131,20€).

O gasto de 701.748,00€ para axudas de comedor en 2021 (xaneiro-xuño) imputarase á aplicación orzamentaria nº 2310.481.00.00, existindo contraído un RCFUT 202000030066 (728.868,80€).

3.2 **DENEGAR** as axudas municipais de comedor ás/ós 816 alumnas/os que figuran no Anexo II, que comeza co expediente núm. 3605706004601 e remata co nº 3605704004706, por non cumprir algún dos requisitos establecidos nas bases, indicándose en cada caso o motivo concreto da súa denegación.

CUARTO: Para o caso de que durante o curso escolar 2020-2021 se producise unha situación semellante á padecida no 2019-2020 por causa da COVID-19 que imposibilitase o normal funcionamento dos comedores escolares, procederíase ó pagamento das axudas de comedor directamente ás familias en situación de vulnerabilidade e con cargo á mesma aplicación orzamentaria nº 2310.481.00.00 (-“Becas, libros, comedor”).

QUINTO: Publicar a resolución desta convocatoria de axudas (Anexo III) no taboleiro oficial de anuncios da Casa do Concello, nos Centros de Servizos Sociais Municipais, na web municipal e no “Portal da Transparencia e bo goberno” do Concello de Vigo (<http://transparencia.vigo.org>, con remisión da información necesaria á BDNS).

SEXTO: Notificar o acordo a todas as persoas interesadas, con indicación de que pon fin á vía administrativa e de que contra el poderán interpoñer recurso potestativo de reposición perante o mesmo órgano que a ditou no prazo dun mes ou ben, directamente, recurso contencioso-administrativo perante os xulgados do contencioso-administrativo de Vigo no prazo de dous meses, ámbolos dous prazos contados a partir do día seguinte á recepción da súa notificación. De



Copia do documento - Concello de Vigo	Data impresión: 12/05/2024 11:07	Páxina 5 de 6
SUBVENCIONS	CSV: A2A84A-C4D5B5-8243B3-S2TMAR-NMX1FA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

se presentar o recurso de reposición, non poderá interpoñerse recurso contencioso-administrativo ata que sexa resolto expresamente o primeiro ou ben se produza a súa desestimación presunta polo transcurso do prazo máximo dun mes establecido para ditar e notificar a resolución (Arts. 123 - 124 da Lei 39/2015 e 8, 25, 46 e ccdtes. da Lei 29/98)».

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 12/05/2024 11:07	Páxina 6 de 6
SUBVENCIONS	CSV: A2A84A-C4D5B5-8243B3-S2TMAR-NMX1FA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		